



KUATIA OÑEMOHENDAHÁPE MBA'ÉICHAPA OÑOÑE'ĒME'ĒTA TETĀ ARANDUPY SĀMBYHYHA HA ASOCIACIÓN COLECTIVO DE CULTURA Y PARTICIPACIÓN

Táva Paraguay, Paraguái retãme, 17 jasypa ary 2014-pe, oja oñohendápe oñoñe'eme'ẽ haguã pytyvõ rekávo TETĀ ARANDUPY SĀMBYHYHA, ko'ágã guive TAS, omotenondéva Sãmbyhyháramo kuñakarai Mabel Causarano, hógava tape Estados Unidos 284, haimete Mcal. Estigarribia táva Paraguáype, ha ASOCIACIÓN COLECTIVO DE CULTURA Y PARTICIPACIÓN, ko'ágã guive ASOCIACIÓN, omotenondéva mburuvicháramo karai José Lezcano, hógava tape Estados Unidos 1461, táva Paraguáype, ha

OJEKUAÁPYPE:

Léi 3051/06 arandupy rehegua, ipehẽ'i 5 omoheñoiva Tetã Arandupy Sãmbyhyha oíva Paraguái retã mburuvicha renda poguýpe, motenondeha ramo, oguerékóva hembiapotee ramo opa mba'e osêva'eráva Estado-gui arandupy rehegua, ijapytépe ojekuaa arandupy rembiapo ñemongu'e porã jeheka, ikatu haguãicha hemimoimbykuéra omba'apóntema ijehegui ojejokupytyhápe, ojehechakuaahápe tekoeta ha oñemomba'egusuhápe tapichakuéra hesa'ivéva reko ha arandupy.

Léi 3051/06 TETĀ ARANDUPY ipehẽ'i 6-pe he'i, SĀMBYHYHA ohekaha a) omombarete tembiapo opavave arandupy akãrapu'ãrã ã) omongu'e arandupy jehe'a opaite oñemboguatáva oku'e haguã ijehegui tembiapo, taha'e administración, justicia térã política de Estado ryepýpe, ha ch) ombojoaju opa Estado remimoimby arandupy rehe ojesarekóva rembiapo, mamo hendapegua tetã ryepýpe. Upéicha avei, he'i rupi ipehẽ'i -8-pe léi ojeguromandu'áva, TAS oguereko hembiaporã d) Ombohapeva'erã marandu, porandu ha ombojoajuva'erã tembiapo opaichagua aty sociedad pegua arandupy ñemongu'erã ndive, ha tenonderãite oñemomyí haguã arandupy ñesãmbyhy;

ASOCIACIÓN hína, ikuatiakuérape he'iháicha, omba'apóta peteí sociedad ojeikoha tekojojápe rekávo, maymave ohupyty haguãme hemikotevê, ha ombohapéta umi tapicha ohasa asyvéva oñembyaty ha omba'apokuaa.

HE'IJOVÁI

Ko ñoñe'eme'ẽ oñemboguatataha yvy gotyove oje'ehaichaite:

VORE PETEÍHA: MBA'ERÁPA

TAS ha ACCP oñoñe'eme'ẽ oñopytyvõ haguã jahechápa nomboguatái oñondive tembiaporã, ha noñembojerovíaipa política pública jeroike, oñakãrapu'ã haguã tekoaty ha tekoeta oikóva tavusu rembe'yrehe.



VORE MOKŌIHA: TEMBIAPORĀTEE

Mokōive omba'apóta pojoajúpe oñemoheñoi haguã Ipyahuvakuéra Aty Arandupy jehekarâ tavaháre, oikótava apopyrã hérava “Promoviendo la participación activa de la juventud de los barrios periféricos en industrias culturales en el Paraguay” ryepýpe.

TAS oporombokatupyryta tembiapo ñemoñepyrũkuarâ ha opaite arte ñemboguatakuarâ, ojoajútava oku'éva temimoĩmby guive rehe. Mokōive he'i oipytyvõtaha ikatuháicha, mba'apohára, tembiporu ha viru rupive, opaite tembiapo oñemboguatáva oñondive ha omoneĩva mokōive temimoĩmby.

Upéicha avei, he'i ojeikuaauka ha oñemyasãitaha tembiapoita oikótavaguive ko ñoñe'eme'ê ryepýpe, mokōive ojapohaicha jepivoi hembipoha guive.

Ko ñe'eme'ê ndojokói avavépe omboguata haguâ tembiapo joaju ko'ápe ojejaposéva rehegua ambue temimoĩmby ndive.

VORE MBOHAPYHA

Oñema'ê'yre recurso ojeguerékova, mokōive opyta petei ñe'eme ikatuha ijeheguiete ombohape tembiaporã ikatuháicha organismo público terã privado nacional terã internacional ryepýpe, oñembohape porãve haguã ogehupytyséva ñoñe'eme'ê ryepýpe.

VORE IRUNDYHA: ARAKA'E GUIVE HA ARAKA'E PEVE

Ko ÑE'ĒME'Ē ojepysóta 3 (mbohapy) ary pukukue, oñembohéraguapyha ára guive, ha ikatúta oñembopukuve, oĩma guive petei ñe'eme imboguataharakuéra.

Apopyrã oséva guive ñoñe'eme'êgui ojehepyme'ê ha oñembohapéta tembiaporã heñoihaguégui, neñemoĩrima guive petei ñe'eme oñemoambue haguâ.

VORE POHA: ÑEMOAMBUE

Oĩma guive petei ñe'eme imboguataharakuéra ikatúta omoambue ko ñoñe'eme'ê adenda rupive, katu oñeñangarekova'erã hekopete ko Ñe'eme'ê oñemyatyrõtaramo, ani iñambue tuichaite iñepyrumbýgui.

VORE POTEIHA: ÑEMONDOHO

Peteĩva imboguatahára apytégui ikatu ojerure oñemondoho haguâ, omombe'úma guive hovaiguápe mbohapy (30) ára upe mboyve, kuatiahai rupive. Oñemondohóramo tape ku'a rehe, umi tembiapo



oñemboguatavahína ñoñe'ême'ê ryepýpe ndaikatúi osóvo, ohova'erã hese hu'ã meve; nde'írima guive ambue mba'e imboguataharakuéra.

VORE POTEÍHA: ARAKA'E PEVÉPA

ÑOÑE'ÊME'Ê opakuaa

1. Oguahêma rupi hu'ãme ára oñemoíva'ekue.
2. Oñemoíma guive oñoñe'ême imboguataharakuéra;
3. Ojehúramo mba'e ohapejokóva tembiapo ñemboguata oñondive;
 4. Ndojelijapóiramo oje'éva ojejapotaha ko Ñe'ême'ême; ojekuaaý rehe mba'érepa.

VORE POAPY.: MBA'E ÑE'ÊMEPA OJEPYTÁTA OÍRAMO JOAVY

Mokôivéva **OÑE'ÊME'Ê**, omba'apo haguâ peteî mba'e rekávo, ha upéva rupi oñemoí peteî ñe'ême, peichahágui oírano joavy téra mba'ejerure ojojupe mba'e ojejapo'yva'ekue rehegua, mokôive motenondeharakuéra oñomongetataha oguahêvo peteî ñe'ême ohechakuaávo mba'erãpa oñemboaje kuri ko **ÑE'ÊME'Ê**, ýrõ ojeguerahava'erã peteî mediación ha arbitraje ojpokuaáva rendápe.

Oñemoívo oñoñe'ême, ñe'ême'ê vorekuéra he'iháicha, mokôivéva moakâhára omboheraguapy ko kuartia, mokôï ojueheguaitéva rehe; péva ningo mokôive ñe'ême (castellano ha guaraní) ojehaíva, tenda ha ára oñháicha ñepyrûrãme.

TETĀ ARANDUPY SĀMBYHYHA



ASOCIACIÓN COLECTIVO DE CULTURA HA PARTICIPACIÓN REHE

